

4057  
T-216

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za pravosuđe i upravu, Vlada Zeničko dobojskog kantona, na 74. sjednici, održanoj dana 18.09.2020. godine, donosi

## **RJEŠENJE**

### **o imenovanju Tima Vlade Zeničko-dobojskog kantona za prevenciju i borbu protiv korupcije**

#### **Član 1.**

Imenuje se Tim Vlade Zeničko-dobojskog kantona za prevenciju i borbu protiv korupcije u sastavu:

1. Dževad Fejzić, Ured Premijera, predsjednik,
2. Maid Pračić, Ministarstvo za obrazovanje, nauku, kulturu i sport, član,
3. Anela Hasanspahić, Ministarstvo unutrašnjih poslova, član,
4. Azra Smailbegović-Đuherić, Ministarstvo za pravosuđe i upravu, Stručni savjetnik za izradu, praćenje i nadgledanje propisa i strateških dokumenata iz oblasti borbe protiv korupcije, član i
5. Asmir Alagić, Ministarstvo za pravosuđe i upravu, Stručni saradnik za prikupljanje podataka iz oblasti borbe protiv korupcije i saradnju sa međunarodnim organizacijama i nevladinim sektorom, član.

#### **Član 2.**

Administrativno tehničke poslove za potrebe Tima Vlade Zeničko-dobojskog kantona za prevenciju i borbu protiv korupcije obavljaće Azra Hećo, uposlenica Ministarstva za pravosuđe i upravu.

#### **Član 3.**

Nadležnosti Tima iz člana 1. ovog rješenja su:

- analizira istraživanja Ministarstva za pravosuđe i upravu u svrhu zajedničke izrade i predlaganja Strategije za borbu protiv korupcije i Akcionog plana za borbu protiv korupcije, te drugih politika za prevenciju i koordinaciju borbe protiv korupcije i o uočenim pojavama izvještava Vladu Kantona;
- u saradnji sa Ministarstvom za pravosuđe i upravu analizira, predlaže mjere i daje druge upute za razvoj i ažuriranje Strategije za borbu protiv korupcije i Akcionog plana, primjenjuje odluke i iskustva proizašle iz međunarodnih normi i standarda, redovno prati implementaciju Strategije za borbu protiv korupcije i Akcionog plana za protiv korupcije;
- u saradnji sa Ministarstvom za pravosuđe i upravu samostalno izrađuje i predlaže Vladi i resornom ministarstvu metodologije u implementaciji Strategije za borbu protiv korupcije i Akcionog plana za borbu protiv korupcije kao i jedinstvene metodologije i smjernice za izradu planova integriteta, operativnih planova i pruža stručnu pomoć svim javnim institucijama u njihovom provođenju;
- u saradnji sa Ministarstvom za pravosuđe i upravu predlaže i prati provođenje propisa i smjernica za politiku upravljanja sukobom interesa u javnim institucijama, predlaže izmjene i prati provođenje propisa iz oblasti javnih nabavki u javnim institucijama, iz oblasti slobode pristupa informacijama, iz oblasti zaštite prijavitelja korupcije, iz oblasti poticaja, subvencija, donacija i pomoći od strane javnih institucija,

- u saradnji sa Ministarstvom za pravosuđe i upravu predlaže izmjene i prati provođenje procjene uticaja propisa na korupciju u javnim institucijama, organizuje, planira i usmjerava obavljanje poslova u vezi sa praćenjem i procjenom provođenja strategija, i daje prijedlog mjera za prevazilaženje uočenih rizika i problema, sačinjava periodične izvještaje o statusu provođenja i
- zajedno sa Ministarstvom za pravosuđe i upravu ostvaruje saradnju sa Agencijom za prevenciju korupcije i koordinaciju borbe protiv korupcije, međunarodnim institucijama, akademskom zajednicom, privatnim i nevladinim sektorom i inicira donošenje akata za provođenje saradnje i
- da prenosi započete i okončane procese na Ministarstvo za pravosuđe i upravu, sa pripadajućom arhivom, te elektronskim, web, e-mail i drugim bazama i podacima u posjedu Tima.

#### Član 4.

Materijalnu i tehničku podršku radu Tima Vlade Zeničko-dobojskog kantona za prevenciju i borbu protiv korupcije osigurat će Služba za zajedničke poslove, a stručnu, analitičku i operativnu podršku Ministarstvo za pravosuđe i upravu.

#### Član 5.

Finansijska sredstva za aktivnosti Tima osigurat će se iz budžetskih sredstava Ministarstva za pravosuđe i upravu, a način i visina naknade za rad, utvrdit će se posebnim rješenjem premijera Zeničko-dobojskog kantona.

#### Član 6.

Tim Vlade Zeničko-dobojskog kantona za prevenciju i borbu protiv korupcije donijet će Poslovnik o radu, kojim će bliže definisati postupak, način rada i pripreme izvještaja o radu, sa obavezom izvještavanja Vlade o provođenju zadataka najmanje jednom kvartalno.

#### Član 7.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“, a primjenjivat će se od 01.10.2020. godine.

Broj: 02-04-15719/20  
Datum, 18.09.2020. godine  
Zenica

#### DOSTAVLJENO:

- 1x Ministarstvo za pravosuđe i upravu,
- 1x Imenovani, putem Ministarstva,
- 1x Ured Premijera,
- 1x „Službene novine Zeničko-dobojskog kantona“,
- 1x a/a

